



შირაკი

SHIRAKI

www.opentext.ge

გამოცემის 1937 წლიდან

№35 (9.551)

21 სექტემბერი 2012 წელი

ფასი: 50 თეთრი

ყოველკვირეული გამოცემა

მომავლის კლასი და სიახლეები პირველ სკოლაში



17 სექტემბერს 2012-13 სასწავლო წელი არაერთი სიახლით დაიწყო დედოფლისწყაროს პირველმა საჯარო სკოლამ. სკოლის ეზოში გაიმართა მოსწავლეთა თვითმმართველობის მიერ ორგანიზებული პირველი დღის აღსანიშნავი ღონისძიება, რომელიც ტრადიციულ სახეს ატარებდა.

გაზეთ „შირაქის“ ინფორმაციით, წელს პირველ საჯარო სკოლაში 46 პირველკლასელი შევიდა. ისინი ორ ჯგუფად გადანაწილდნენ.

სკოლის ეზოში გამართულ მისასალმებელ ღონისძიებაზე მოსწავლეებს სიტყვით მიმართეს და სწავლის დაწყება მიულოცეს სკოლის დირექტორმა მაია ლაპიაშვილმა, დეკანოზმა ნიკოლოზმა ლომსაძემ, დედოფლისწყაროს ყოფილმა მაჟორიტარმა დეპუტატმა საქართველოს პარლამენტში — ავთანდილ ლუკაშვილმა და Peace Corp-ის მოხალისემ ამა-

ვე სკოლაში ჯონათან ბრენდსმა. ღონისძიებას ესწრებოდა ქალაქ დედოფლისწყაროს ტერიტორიული ორგანოს რწმუნებული სოსო უზუნაშვილიც.

ღონისძიებაზე სიტყვით გამოვიდნენ მოსწავლეთა თვითმმართველობის პრეზიდენტი და სამოქალაქო კლუბის „სპექტრი“ ლიდერი სოსო ჩუთლაშვილი და ოქროს მედალოსანი კურსდამთავრებული მერი ქადაგიძე. ღონისძიებაზე ელექტრონულ გიტარაზე კომპოზიციები წარმოადგინა გიორგი ავლაძემ და ქეთი ჩაფიაშვილის მიერ შესრულდა თავად მის მიერ სპეციალურად ამ დღისთვის დაწერილი სიმღერა.

როგორც №1 საჯარო სკოლის დირექტორმა მაია ლაპიაშვილმა გაზეთ „შირაქს“ განუცხადა, სკოლა სიახლეებითა და განახლებული ინფრასტრუქტურით შეხვდა ახალ სასწავლო წელს.

მისი განმარტებით, ამოქმედდა საზოგადოებრივ მეცნიერებათა კაბინეტი SpecTRoom-ი (სკოლისა და თელავის განათლების, განვითარებისა და დასაქმების ცენტრის ერთობლივი დაფინანსებით), ჰემინგუეის სახელობის ინგლისურის მულტიმედია ცენტრი (Peace Corp-ის დაფინანსებით) და განათლების და მეცნიერების სამინისტროს მიერ დაფინანსებული მომავლის კლასი. შეიღება პირველი და მეორე სართულების დერეფნების ნაწილი. მოსწავლეების ხარჯებითა და ფიზიკური ჩართულობით გარემონტდა სამი საკლასო ოთახი (IXბ, Xა, Xბ).

სკოლაში არსებულ სიახლეებს ადგილობრივი ხელისუფლებისა და მედიასაშუალებების წარმომადგენლები დეტალურად გაეცნენ.

სკოლის დირექტორმა გასული სასწავლო წლის ნომინაციებიც დაასახელა:

წინე წიგნი — წლის თვითმმართველობის სიმბაძია; სოსო რუთაძე — წლის რეიტინგული მოსწავლე; ბიბი იაკობიძე — წლის საუკეთესო მოსწავლე; ქეთი ჩაფიაშვილი — წლის შემოქმედი; მერი ქადაგიძე — წლის წარჩინებული აკადემიური მოსწავლის;

„ჩემთვის დიდი პატივი და პასუხისმგებლობაა, ამ ნომინაციაში დასახელება. რა თქმა უნდა, ამაში დიდი წვლილი მიუძღვით, როგორც ჩემს პედაგოგებს, ისე სკოლის დირექტორს და ამისთვის დიდი მადლობა მინდა ვუთხრა მათ,“ — განუცხადა გაზეთ „შირაქს“ ერთ-ერთ ნომინაციაში დასახელებულმა მოსწავლემ გიგი იაკობიძემ.

მათი დაჯილდოების ცერემონია უახლოეს დღეებში, სკოლის მიერ საზოგადოებისთვის ანგარიშის წარდგენის პარალელურად მოხდება.

(დასასრული მე-4 გვ.)

კალაღობას კალაღობით ვერ დაამარცხებ!

ამ დღეებში მთელი საქართველო შეძრა ვიდემოსალამ, რომელიც გლდანის მერვე საპყრობილეში პატიმართა წამებისა და არაადამიანური მოპყრობის ფაქტებს ასახავდა. ამ მასალის ნახვამ ერთნაირად იმოქმედა ყველა ადამიანზე, განურჩევლად რანგისა. საქართველოს პრეზიდენტმა შემფოთება გამოხატა პენიტენციურ სისტემაში არსებული ვითარების გამო და სპეციალურ უწყებებთან თათბირი გამართა სიტუაციის დაუყოვნებლივ გამოსწორების მიზნით. მან განაცხადა, რომ პენიტენციურ სისტემაში განხორციელებული რეფორმების მიუხედავად, აქ დარჩნენ ადამიანები, რომლებიც სისტემის სირცხვილად იქცნენ.

ქართველმა სტუდენტებმა ნანამებ პატიმრებს სოლიდარობა გამოუცხადეს და აქციაზე არ მიიკარეს არცერთი პოლიტიკური პარტიის წარმომადგენელი. ისინი ამ უცსტით მკვეთრად გაემიჯნენ პოლიტიკას და საკითხის პოლიტიზირების უფლება არავის მისცეს. ისინი ბაჩო ახალაიას გადადგომას მოითხოვედნენ. მათი მოთხოვნა თავად ახალაიამ დააკმაყოფილა და გადადგა. სტუდენტებმა პატრიარქთან კონსულტაციის შემდეგ აქციის შეწყვეტის გადაწყვეტილება მიიღეს, თუმცა არა ყველამ...

ძალადობა ნებისმიერ საზოგადოებაში დასაგმობია, მით უფრო დემოკრატიულ საზოგადოებაში. ჩვენი საზოგადოების წარმომადგენლებმა ერთხმად დაგმეს საპატიმროში მოხდარი ფაქტები და თქვეს, რომ ეს მთელი ერის სირცხვილია. მათ გაიხსენეს წარსული ს მაგალითები და აღნიშნეს, რომ არსებობდა ოსვენციმის საკონცენტრაციო ბანაკი, მაგრამ იქ ასე სასტიკად „მტრებს“ — ებრაელებს უსწორდებოდნენ გერმანელები, ჩვენს ციხეში კი ქართველი ქართველებს უსწორდებოდა. ეს თითოეული ქართველის ღირსების საქმეა-თქვეს მათ. მთავრობის წევრებმა პასუხისმგებლობა აიღეს-გადადგა ორი მინისტრი, დაკავებულნი არიან პატიმრების წამებაში მონაწილეებიც, თუმცა ახლა ყველაზე მეტად სიმშვიდის შენარჩუნება და გონიერება გვმართებს ყველას.

ფსიქოლოგები უკვე საუბრობენ იმაზე, რომ უნდა მოხდეს როგორც პატიმართა რეაბილიტაცია, ასევე საზოგადოება უნდა გაუფრთხილდეს იმ ადამიანების შვილებსა და ოჯახის წევრებსაც, რომლებიც პატიმართა არაადამიანური მოპყრობის გამო დააკავეს. დღეს ყველა თანხმდება იმაზე, რომ ძალადობას ძალადობით ვერ დაამარცხებ, ნებისმიერი ძალადობა ახალ დანაშაულს წარმოშობს. მხოლოდ ერთმანეთის სიყვარული და მიტევების უნარი თუ გადაგვარჩენს ქართველებს და კიდევ, კანონისადმი მორჩილება, თუ რა თქმა უნდა, სამართლებრივ და დემოკრატიულ საქართველოში გვსურს ცხოვრება.

ინგა შილაშვილი

მთავრობის უმაღლესი ჯილდო გადაეცათ

„მსოფლიო პარკების დღე“ ხორნაბუჯში

გურადდება!

საქართველოს საარჩევნო კოდექსის მუხლი 50. 2-4-ით განსაზღვრული მოთხოვნების შესაბამისად, წინასაარჩევნო კამპანიის ფარგლებში, გაზეთი „შირაქი“ ყველა საარჩევნო სუბიექტს დაუთმობს საგაზეთო ფართს პოლიტიკური რეკლამისათვის. 1 ოქტომბრამდე გაზეთი „შირაქი“ ყოველკვირეულად, თითოეულ ნომერში საპარლამენტო არჩევნებში მონაწილე საარჩევნო პარტიებსა და კანდიდატებს გაზეთის ფართს დაუთმობს, რომელიც განკუთვნილი იქნება ფასიანი პოლიტიკური რეკლამისთვის და თანაბრად გადანაწილდება ყველა საარჩევნო სუბიექტზე. ფასიანი პოლიტიკური რეკლამისთვის გამოყოფილი გაზეთის ერთი გვერდის ფასი კი 150 ლარით განისაზღვრება.

ყველაზე სანდო წყარო დედოფლისწყაროში მიმდინარე მოვლანაშის შესახებ!

- ახალი ინფორმაცია
- სამართლებრივი აქტები
- აუქციონი
- ტენდერი - ყველაფერი მხოლოდ ჩვენთან!

ის, რასაც სხვაგან ვერ ნაიპოვებთ!

www.dedoplistskaro.ge

მიხეილ სააკაშვილი: „ასე აღმოფოთებული ცხოვრებაში არ ვყოფილვარ“

„არ შეიძლება, საქართველოში კიბოს უჯრედები კიდევ არსებობდეს“, - განაცხადა მიხეილ სააკაშვილმა სამხედრო მოსამსახურეებისთვის ბინების გადაცემის ცერემონიალის დროს გლდანის ციხეში შექმნილი ფაქტის კომენტარებისას.

„ის, რაც ვნახე, რაც აღმოჩნდა, რომ ხდებოდა გლდანის საპყრობილეში და იმ ჯგუფის მოქმედება, რომელიც ყველამ დავინახეთ, ეს არის ის ყველაფერი, რაც მეზიზღება, ის რისი წარმოდგენაც არ შემიძლო, რომ ახალ საქართველოში კიდევ შესაძლებელია. ამის ცალკეული უჯრედები კიდევ არსებობდნენ, ნამდვილი კიბოს უჯრედები ჩვენს ორგანიზმში. ეს არის ის, რაც საქართველოში ფეხმობკვეთილი და დამარცხებული მეგონა“, - განაცხადა სააკაშვილმა.

მისი განცხადებით, ის, რაც გლდანის ციხეში მოხდა, რვა წლის წინ საქართველოს მუდმივი რეალობა იყო.

„ის, რაც ვნახეთ, რვა წლის წინ ჩვენი ყოველდღიური რეალობა იყო. კარგად მახსოვს, შსს-ის ფანჯრიდან ხალხი როგორ ცვიოდა, კარგად მახსოვს, ცემით რომ მოკლეს მძღოლი მხოლოდ იმის გამო, რომ პრეზიდენტის ესკორტი არ გაატარა თავისუფლების მოედანზე და რიყზე. მახსოვს გატაცებები, დაჭერებზე აღარ ვლაპარაკობ, ეს ყველაფერი ყველას თვალწინ ხდებოდა. ერთადერთი ადგილი, სადაც დენი ყოველთვის იყო, ეს იყო დენზე შეერთებული ადამიანები - ადგილი პოლიციაში. ის, რაც მოხდა, ადამიანურ პრინციპებს სცილდება. ეს არ შეიძლება არ იყოს საზოგადოების აღფრთობის მიზეზი. პირადად ასეთი გაბრაზებული და აღმოფრთხილი, პრაქტიკულად, ჩემს ცხოვრებაში არასოდეს ვყოფილვარ“, - აღნიშნა პრეზიდენტმა.

ვანო მეჩაბიშვილი: შსს-ს საკმარისი რესურსი აქვს წესრიგის დასამყარებლად, როგორც არჩევნებამდე, ისე მის შემდეგ

„ახლა ჩვენი ქვეყნის მთავარი ამოცანაა, საქართველოში თავისუფალი და სამართლიანი არჩევნები ჩატარდეს. ეს წარმოდგენილია იქ, სადაც შეიძლება ადგილი ჰქონდეს ძალადობას. ამის უზრუნველყოფა კი შინაგან საქმეთა სამინისტროს მოვალეობაში შედის“, - განაცხადა საქართველოს პრემიერ-მინისტრმა ვანო მეჩაბიშვილმა შინაგან საქმეთა მინისტრის მოვალეობის შემსრულებელ ეკა ზღულაძესა და სამინისტროს სხვა წარმომადგენლებთან შეხვედრისას.

პრემიერ-მინისტრი 1 ოქტომბრის არჩევნებს შეეხო და თავისუფალი და სამართლიანი საპარლამენტო არჩევნების ჩატარების მნიშვნელობაზეც გაამახვილა ყურადღება და აღნიშნა, რომ „შინაგან საქმეთა სამინისტროს საკმარისი რესურსი და გამოცდილება აქვს, რათა ქვეყანაში წესრიგის დაცვა როგორც არჩევნებამდე და არჩენილ პერიოდში, ასევე არჩევნების შემდეგაც უზრუნველყოს“.

მერაბიშვილმა მადლობა გადაუხადა საპატრულო პოლიციის თანამშრომლებს იმ სამუშაოსთვის, რომელსაც ისინი ბოლო დღეებში სასჯელაღსრულებით დაწესებულებებში ასრულებენ.

ეკა ზღულაძე: „ხალხი არჩევანს თავისუფალ და მშვიდ გარემოში გააკეთებს“

ჩვენი ხალხი გააკეთებს არჩევანს თავისუფალ და მშვიდ გარემოში, - განაცხადა შინაგან საქმეთა მინისტრის მოვალეობის შემსრულებელმა ეკა ზღულაძემ მინისტრის ბაჩო ახალაის თანამდებობიდან წასვლის შემდეგ.

„საქართველოში არ არის ადგილი ძალადობისთვის და ეს სამინისტრო უზრუნველყოფს, რომ ჩვენი შეილები და ჩვენი მოპოვებული თავისუფალ გარემოში დავცულად და თავისუფლად. მათ შორის არჩევნებზე. რომელიც სულ რაღაც 12 დღეში გველოდება წინ. ჩვენი ხალხი გააკეთებს არჩევანს თავისუფალ და მშვიდ გარემოში. ეს სამინისტრო იქნება ამის გარანტორი“, - განაცხადა ზღულაძემ.

აღარასოდეს უკან არ დავბრუნდებით და მე ვაძლევ საკუთარ თავს ამის თქმის უფლებას იმიტომ, რომ მე თვითონ 18 წლის წინ ვიყავი პოლიციის ძალადობის მსხვერპლი, - განაცხადა შინაგან საქმეთა მინისტრის მოვალეობის შემსრულებელმა ეკა ზღულაძემ მინისტრის ბაჩო ახალაის თანამდებობიდან წასვლის შემდეგ.

„ბოლო 9 წლის განმავლობაში საქართველომ შეძლო თანამედროვე და ძლიერი სახელმწიფო ინსტიტუტებისთვის საფუძვლის ჩაყრა, მათ შორის პოლიციის რეფორმამ და ზოგადად, სამართალდამცავი სტრუქტურების გარდაქმნამ უზრუნველყო ორმხრივი ნდობა და პატივისცემა სამართალდამცავ სტრუქტურებსა და მოსახლეობას შორის. ინსტიტუტებს შორის, რომლებიც ემსახურება ხალხს კანონის ასრულების გზით. ეს ნდობა არის, ალბათ, ყველაზე დიდი მიღწევა ყველა იმ რეფორმას შორის, რომელიც საქართველოში ჩატარებულა. ეს სამინისტრო აქვდა, რათა ემსახურა ქართულ ერს, აღმოფხვრას ძალადობა, კორუფცია, დანაშაული, უკანონობა, რომელიც ჩვენი ყოველდღიური ცხოვრების დიდი ნაწილი იყო. ჩვენ შევძელით არა მარტო კორუფციის დაძლევა არამედ ძალადობის და ნაშენის რუტინული პრაქტიკის აღმოფხვრა პოლიციაში. დღეს ჩვენ ციხეში ჩადენილი ამაზრზენი დანაშაულის საპასუხოდ მე ვუზრუნველყოფ, რომ საპატრულო პოლიცია იყოს ბატონი გიორგი ტულუშის - პენიტენციალური სისტემის ახალი მინისტრის სრულ განკარგულებაში და მიხმაროს ამ სისასტიკის ციხეში აღმოფხვრაშიც. იყო დრო, როცა ყველა სახელმწიფო უწყება საქართველოში ისეთივე დახურული და სასტიკი იყო, როგორც ეს ციხე, იყო დრო, როცა ორგანიზებული დანაშაული ანგრევდა ჩვენ საზოგადოებრივ ცხოვრებას. ეს დრო დამთავრდა და აღარასოდეს უკან არ დავბრუნდებით და მე ვაძლევ საკუთარ თავს ამის თქმის უფლებას იმიტომ, რომ მე თვითონ 18 წლის წინ ვიყავი პოლიციის ძალადობის მსხვერპლი. ამიტომ ძალიან კარგად მაქვს გათავისებული ეს სიტყვები და ის ვითარება, რომელიც საქართველოში დღეს არის“, - განაცხადა ზღულაძემ.

გიორგი ტულუში: სასჯელაღსრულების დაწესებულებაში პრობლემები დღეს და ხვალ ვერ მოგვარდება

სასჯელაღსრულების დაწესებულებაში პრობლემები დღეს და ხვალ ვერ მოგვარდება, თუმცა ყველაფერი გაკეთდება, რომ პატიმარი დაცული იყოს, - განაცხადა გლდანის საპყრობილიდან გამოსული ახალმა მინისტრმა გიორგი ტულუშმა, რომელმაც პატიმრები მოინახულა.

„სასჯელაღსრულების დაწესებულების ის თანამშრომლები, რომლებიც პატიმრებზე ძალადობას ახდენდნენ, ყველა მოხსნილია. ამ დროისთვის 1 500-მდე ოჯახის წევრმა უკვე მოინახულა მსჯავრდებულები და ორი დღის განმავლობაში ყველა მოინახულეს თავის მსჯავრდებულს“, - განაცხადა მინისტრმა.

გიორგი ტულუშმა პირობა დადო, რომ პატიმრებს აღარ შეეხებინან და არაფერი არ დაუმავდებათ.

„ბენაურში“ სწავლა განახლდა

17 სექტემბერს ხალისიანად დაიწყო ახალი სასწავლო წელი გაძლიერებული ინგლისური სწავლების ფასიან სკოლა „ბენაურში“. ტრადიციულად სასწავლო წლის დაწყება პედაგოგებს, მოსწავლეებს და მშობლებს სკოლის დირექტორმა ცაცა ბენაშვილმა მიულოცა.

მართალია, სხვადასხვა გზებით, უკვე მეორე წელია, ჩორებს გვივრცელებენ, თითქოს ლიცენზია არ გვაქვს, თითქოს ჩვენს ატესტატს სათანადო ძალა არ აქვს და ამის გამო ზოგიერთი ჩვენი გაზრდილი ბავშვი სხვა სკოლაში წავიდა, მაგრამ ახალი ნაკადიც შემოვიდა. ელემენტარულია, ჩვენ იატაკქვეშეთში ხომ არ

ვმუშაობთ, ლეგალურად ვსაქმიანობთ, სათანადო უფლებამოსილება რომ არ გვქონდეს, ვინ გავაჩერებდა?! მიმაჩნია, რომ ასეთი მეთოდებით ბრძოლა არ არის საკადრებელი. საჭიროა ჯანსაღი კონკურენცია და ასეთ კონკურენციას ჩვენ ვლევულობთ. ჩვენი სკოლის მატერიალურ-ტექნიკური ბაზა თანდათან გაუმჯობესდა. ორი ოთახი დავამატეთ, შევიძინეთ ბოლო თაობის ფართო პროფილის ლაბორატორია, გადავახალასეთ პედაგოგიური კოლექტივი და ახალ სასწავლო წელსაც ახალი შემართებით ვიწყებთ. ჩვენს სკოლასთან ჩამოყალიბდა უცხო ენების ცენტრი, სადაც მსურველებს შევასწავლით რუსულ და ინგლისურ ენებს

და ინგლისურ ენებს სამ საფეხურზე: 1. ელემენტარული, 2. საშუალო, 3. საშუალოზე მაღალი. თითოეული საფეხურის დამლევის შემდგომ გაიცემა შესაბამისი სერთიფიკატი. მეცადინეობა ჩატარდება დღის მეორე ნახევარში. ასე რომ, ჩვენს სკოლას მუშაობის შემუშავებული გეგმა აქვს, — თქვა ჩვენთან საუბარზე სკოლის დირექტორმა.

სკოლაში წელს პირველ კლასში, ჯერჯერობით, ორი ბავშვია. გავესაუბრეთ მათ მშობლებს: — ჩვენ გვინდა, თავიდანვე ცოდნის მყარი საფუძველი ჰქონდეთ ჩვენს შვილებს. წარმოდგინეთ, მასწავლებელი ორ ბავშვთან რომ იმუშავეს, მას სახლში

მეცადინეობაც კი აღარ მოუწდება. მაგრამ, წინააღმდეგ გულრიცხვად, რომ კოლექტივობის გრძნობის ჩამოყალიბება ორ ბავშვში გაძნელდება. სასურველია, მათ რამოდენიმე ბავშვი კიდევ შემოვიმატოთ. გვიკვირს, ასეთ კარგ შესაძლებლობას მშობლები ნაკლებად რატომ იყენებენ. თუმცა, ისიც გვესმის, რომ დღეს მოსახლეობის დიდ ნაწილს საქმლის ფული არ აქვს და სწავლის საფასურის გადახდა გაუჭირდება. ზოგადად კი, ფასიან სკოლებს ნამდვილად აქვს მომავალი.

წარმატებული სასწავლო წელი ვუსურვოთ ბენაურელებს.

ნაირა გორაშვილი

გიორგი ტულუში: სასჯელაღსრულების მიწის ტრადაიანი შინა

საქართველოს სახალხო დამცველი გიორგი ტულუში დათანხმდა პრეზიდენტ მიხეილ სააკაშვილის შეთავაზებას, სასჯელაღსრულების, პრობაციისა და იურიდიული დახმარების საკითხთა მინისტრის პოსტზე მისი დანიშნვის შესახებ. ტულუშის განცხადებით, მისთვის „ყველაზე დიდი მოტივაციის მომცემი“ არის ის ფაქტორი, რომ შეიძლება „გარდატეხის“ შეტანა და საქართველოში ისეთი პენიტენციალური სისტემის შექმნის ხელშეწყობა, რომელშიც არა მარტო აღმოიფხვრება ბოლო დროს გამოშვებული მძიმე დანაშაულები, არამედ მინიმუმამდე იქნება დაყვანილი პატიმრების პრობლემები. ტულუში დაჰპირდა პატიმართა ახლომეზობლებს, მშობლებს, რომ მათი ოჯახის წევრები მაქსიმალურად იქნებიან დაცული სასჯელაღსრულების სისტემაში.

„დაპატიმრებულებს გრძელვადიანი პატიმრობა ემუქრებათ და სისტემაში რეორგანიზაცია გამოცხადდა, მაგრამ ამას სათავეში უნდა ჩაუდგეს მინისტრი. გიორგი ტულუში ყველაზე მკაცრი კრიტიკოსია. მისგან ბევრ ინფორმაციას ვიღებდით, მაგრამ, სამწუხაროდ ყველაფერი ვერ გავითვალისწინეთ“, — განაცხადა საქართველოს პრეზიდენტმა მიხეილ სააკაშვილმა.

„ამიტომ ვნიშნავ ამ სისტემის ხელმძღვანელად რეალობის ძალიან მკაცრ კრიტიკოსს, გიორგი ტულუშს და ამას შეგნებულად ვაკეთებ. ეს უნდა იყოს სხვა სისტემა. ჩვენ გვჭირდება ახალი სამინისტრო, სისტემა, რომელიც გამოირიცხავს პროვოკაციებს, შეგნებით თუ შეუგნებლად ასეთი ტიპის დანაშაულებს. გიორგი ტულუში არის ნაშენის სანინააღმდეგო საერთაშორისო კომიტეტის წევრი, არის ერთ-ერთი უძლიერესი ექსპერტი ადამიანის უფლებების დარგში და აქვს ძალიან მნიშვნელოვანი განათლება. მას ასევე ბევრი უბრძოლია ამ სისტემის გასაუმჯობესებლად. ყველაწინა პოლიტიკური მანიპულაცია მიუღებელია ამ თემაზე. ჩვენ უნდა ავაშენოთ საზოგადოება, სადაც იქნება ნულოვანი ტოლერანტობა დანაშაულისა და ადამიანის უფლებების დარღვევის მიმართ. ჩვენ ამ საქმეს ბოლომდე მივიყვანოთ. რადიკალურ გამოწვევებზე ჩვენ იმაზე რადიკალური პასუხი გვაქვს, ვიდრე შეიძლება რომელიმე ქვეყანას ეს გაეკეთებინა. მიხარია, რომ ადამიანმა, რომელიც პოლიტიკოსი არ არის, ამ რთული გამოწვევის წინაშე უკან არ დაიხია“, - აღნიშნა პრეზიდენტმა.

„ალბათ ბევრისთვის განცვიფრების საგანია, რატომ დათანხმდა ომბუდსმენი ამ გამოწვევას, თუმცა მინდა გითხრათ: აქამდე მე ვწერდი, დოკუმენტირებას ვახდენდი და ვანვდიდი ხელისუფლებას ჩემს ხედვას. თუმცა, როგორც თავადაც აღნიშნა ბატონმა პრეზიდენტმა, ბევრი ჩემი რეკომენდაცია და მოწოდება დარჩა ყურადღების გარეშე. ახლა მე უნდა მომეცეს საშუალება, ის, რაზეც მე ვსაუბრობდი ბოლო სამი წელია, რეალურად გავატარო პრაქტიკაში“, განაცხადა გიორგი ტულუშმა.

სასჯელაღსრულების, პრობაციისა და იურიდიული დახმარების მინისტრის პოსტზე მან შეცვალა ხათუნა კალმახელიძე, რომელიც პატიმრების ნაშენის ამსახველი ვიდეომასალის გავრცელების შემდეგ გადადგა.

გიორგი ტულუში საქართველოს სახალხო დამცველად საქართველოს პარლამენტმა 2009 წლის 31 ივლისს 5 წლის ვადით აირჩია. მოვალეობის შესრულებას კი ის 2009 წლის 17 სექტემბერს შეუდგა.

ვეროკავშირი ორივე მხარეს თავშეკავებისკენ მოუწოდებს

უკანასკნელ პერიოდში, რუსეთის ფედერაციის საგარეო საქმეთა სამინისტროს ოფიციალურმა პირებმა არაერთხელ გააკეთეს განცხადება აფხაზეთისა და ცხინვალის რეგიონების საოკუპაციო ხაზებთან საქართველოს მიერ სამხედრო ნაწილებისა და აღჭურვილობის ზრდის თაობაზე.

აღნიშნულთან დაკავშირებით, 2012 წლის 21 სექტემბერს საქართველოში ვეროკავშირის სადამკვირვებლო მისიამ აღნიშნულ საკითხზე განცხადება გაავრცელა:

„ბოლო რამდენიმე დღის განმავლობაში ვრცელდებოდა განცხადებები, იმის შესახებ, რომ სამხრეთ ოსეთის ადმინისტრაციულ საზღვართან საფარულად ადგილი ჰქონდა ქართული ჯარისა და პოლიციის შენაერთების განლაგებას. ვეროკავშირის სადამკვირვებლო მისია, დამატებითი სადამკვირვებლო ჯგუფების შემოვლით, ინტენსიურად ახორციელებდა მოცემული ცნობების მონიტორინგსა და შეფასებას და ამოწმებდა გავრცელებულ ინფორმაციას შესაბამის ორგანოებთან. მოცემული ქმედებების შედეგად, მისიამ ვერ აღმოაჩინა გავრცელებული ცნობების დამადასტურებელი რაიმე მტკიცებულება. მიუხედავად ამისა, ვეროკავშირის სადამკვირვებლო მისიამ გააძლიერა პატრულირება, რათა აქტიურად დააკვირდეს ადგილზე არსებულ მდგომარეობას.

ამავე დროს, ვეროკავშირის სადამკვირვებლო მისიამ დააფიქსირა რუსეთის ფედერაციის შეიარაღებული ძალების რაოდენობის ზრდა სამხრეთ ოსეთის ადმინისტრაციულ საზღვართან. მოცემულ ქმედებასთან დაკავშირებით, მისიამ რუსეთის ხელისუფლების შესაბამის სტრუქტურებთან შეუფოთება გამოთქვა.

ვეროკავშირის სადამკვირვებლო მისია დაჟინებით მოუწოდებს ყველა მხარეს, თავი შეიკავონ ისეთი ქმედებებისაგან, რომლებმაც შესაძლოა საფრთხე შეუქმნას ადგილობრივი მოსახლეობის უსაფრთხოებას ადმინისტრაციული საზღვრის ორივე მხარეზე“.

მთავრობის უმაღლესი ჯილდო გადაეცა



საქართველოს პრეზიდენტის 2012 წლის 6 სექტემბრის № 06/09/06 განკარგულებით, მაღალი პროფესიონალიზმისა და ნაყოფიერი საქმიანობისთვის, ღირსების ორდენებით დაჯილდოვდნენ: ლილი კობახიძე, ჟანა ბაბიანი, ბაბული უზუნაშვილი, გულნარა ტვილდიანი, ნანული პატაშვილი, ნელი ყოჩიაშვილი-შოშიაშვილი, დალი ლეკაშვილი-ჩოხელი, მარინე ოზბეთელაშვილი, ხოლო მედლებით დაჯილდოვდნენ: გივი ლაზვიაშვილი, ალექსანდრე ხატიაშვილი, მარინე ხარაშვილი, ქეთევან ნოზაძე, ვაჟა მოსულიშვილი, მანანა მაჭარაშვილი, რევაზ კოპალიანი.



20 სექტემბერს, დედოფლისწყაროს მუნიციპალიტეტის გამგებლის მოვალეობის შემსრულებელმა ემზარ ჯანაშვილმა, მთავრობის უმაღლესი ჯილდოები გადასცა სხვადასხვა სფეროში მოღვაწე დაჯილდოვებულ ადამიანებს.

— მაქვს პატივი, მოგილოცოთ და საქართველოს პრეზიდენტის სახელით გადმოგცეთ მთავრობის უმაღლესი ჯილდოები, კვლავაც წარმატებულ საქმიანობას გისურვებთ — აღნიშნა ბატონმა ემზარმა.

დაჯილდოებულებმა მადლიერება გამოხატეს პრეზიდენტის და ადგილობრივი ხელისუფლების მიმართ და აღნიშნეს, რომ ეს მათთვის მოულოდნელი სიურპრიზი იყო.



„მსოფლიო პარკების დღე“ ხორნაბუჯის სკოლაშიც აღნიშნეს

უკვე მეხუთე წელია, მსოფლიო პარკების დღეს აღნიშნავენ, საქართველოში ეს დღე წელს პირველად აღინიშნა. პროექტს ევროკავშირის დაფინანსებით კომპანია „mercy corps“-ი არასამთავრობო ორგანიზაცია „cenni“-თან, კავკასიის გარემოსდაცვითი არასამთავრობო

გამგეობის საზოგადოებასთან ურთიერთობის სპეციალისტი ანა ბენაშვილი და საკრებულოს აგრარული და გარემოსდაცვის კომიტეტის თავმჯდომარე გელა თეთრაული. ღონისძიება სიტყვით პროექტის მენეჯერმა გიგა სარუხანიშვილმა გასაწა და მოკლედ მიმოიხილა პროექტის

ეზოში ვედარ შემოვა ვერცერთი გარემომყოფის საქონელი და თუ ეს კვლავ მოხდება, დაუყოვნებლივ მოვიხმობ პატრულს. მადლობა ამ საშვილიშვილო საქმისთვის პროექტის წარმომადგენლებს, პროექტის მენეჯერს კობა ალუღიშვილს და მუნიციპალიტეტის ხელმძღვანელებს, — აცხადებს ხორნაბუჯის საჯარო სკოლის დირექტორი ლალი მენტეშვილი.

„მსოფლიო პარკების დღე“ წელს პირველად ტარდება საქართველოში, პროექტი ხორციელდება ევროკავშირის დაფინანსებით და ჩვენი ორგანიზაცია „მერსიკორპსისა“ და კავკასიის გარემოსდაცვითი არასამთავრობო ორგანიზაციების ერთობლივი ძალისხმევით, თავდაპირველად აღნიშნული პროექტი კახეთში, კერძოდ კი, სიღნაღში ან საგარეჯოში უნდა განხორციელებულიყო, თუმცა თქვენმა მენეჯერმა, კობა ალუღიშვილმა ყველას აჯობა და დედოფლისწყაროს ერგონილად ინიციატივა. პროექტი საკმაოდ ფართომასშტაბიანი და ის სომხეთსა და აზერბაიჯანის ქვეყნებსაც მოიცავს. დღეს ამ აქციაში მონაწილეობას იღებენ სამი სკოლის მოსწავლე-ახალგაზრდობა და სკოლის პედაგოგები, ასევე ადგილობრივი ხელმძღვანელობა, რისთვისაც მადლობას ვუხდით მათ, ჩვენ გავაფორმებთ მემორანდუმს ხორნაბუჯის სკოლის დირექციასა და ჩვენს ორგანიზაციას შორის და ეს თანამშრომლობა გაგრძელდება.“ — აცხადებს პროგრამის ოფიცერი ლიკა მარლანია.

ვუდგეთ წინ და ვიზრუნოთ ჩვენი რაიონის მწვანე საფარის გამრავლებისთვის, დღევანდელი აქცია სწორედ ამ ინიციატივის ერთერთი გამოხმაურებაა, ჩვენს ირგვლივ უამრავი ტრამაღია, რომელიც წარგავებით უნდა შეივსოს, რათა, თავიდან ავიცილოთ გაუდაბნოების საფრთხე, ჩვენ ვიამაყებით წლების შემდეგ იმით, რომ ამ საქმეში მცირედი წვლილი ჩვენც შევიტანეთ. კატალპას ხე ძალიან ლამაზი ყოფილა, მისი ჩვენი სკოლის ეზოში დარგვა ხელს შეუწყობს გარემოს გალამაზებას

და სუფთა ჰაერის მიღებას, რაც ისევედასევე ჯანმრთელობის გარანტი იქნება. — აცხადებენ „მირაქთან“ საუბარში ხორნაბუჯის საჯარო სკოლის მოსწავლეები ანჟელა გურგენიანი და თამუნა ხარაიშვილი. მოსწავლეებმა და პროექტის ინიციატორებმა სიამოვნებით მიიღეს მონაწილეობა მშენებრივ კატალპას ნერგების დარგვასა და მორწყვაში, რითაც ხეების ლამაზი ყოფილა, მისი ჩვენი დასერულეს.

ლალი მენტეშვილი



ორგანიზაციების ქსელთან ურთიერთთანამშრომლობით ახორციელებს და ის საქართველოს რეგიონების ფლორითა და ფაუნით გამდიდრებას ემსახურება. დედოფლისწყაროში აღნიშნული პროექტის მენეჯერი კობა ალუღიშვილი გახლავთ, რომლის მიზანი ჩვენი რაიონის გარემოს დაცვა და მწვანე საფარიანი ხეების გაშენებაა. სწორედ ამას ემსახურებოდა 18 სექტემბერს ჩვენს რაიონში განხორციელებული ღონისძიება. 50 იტალიური კატალპას ნერგი, ეს ის პროდუქტი გახლავთ, რომელიც პროექტის ფარგლებში ხორნაბუჯის საჯარო სკოლის ეზოში საზეიმო ვითარებაში დარგო. ღონისძიებაში მონაწილეობას იღებდნენ როგორც ამავე სკოლის მოსწავლეები და პედაგოგები, ასევე №1 და №2 საჯარო სკოლის უფროსკლასელები. პროექტს მხარს უჭერდნენ და მონაწილეობას ღებულობდნენ ასევე ადგილობრივი ხელმძღვანელობის წარმომადგენლები - გამგებლის მოვალეობის შემსრულებელი ემზარ ჯანაშვილი,

მიმართულებების შესახებ. ადგილობრივი ხელმძღვანელობიდან სიტყვა გადასცეს გელა თეთრაულს. ამის შემდეგ მონაწილე ბავშვები მათ მიერ დარიგებულ „მერსიკორპსის“ მისურებში გამოეხსენებნენ და სამუშაო იარაღებით ხელში იტალიური კატალპას ნერგების დარგვას შეუდგნენ.

— ნლების მანძილზე მქონდა იმის სურვილი, რომ ამ სკოლაში ყოფილიყო ცოცხალი ხეივანი და აი, ჩემი ოცნება ახდა, სიამოვნებით დავთანხმდი პროექტის ხელმძღვანელებს, რომ აღნიშნული ღონისძიება სწორედ ამ ეზოში განხორციელებინათ, ეს ხელს შეუწყობს ჩვენი ბავშვების მზობას, რათა მათ ისწავლონ ბუნების მოვლა და იცოდნენ მისი ფასი. ამასთან, როცა ეს ნერგები გაიზრდება, მისი ხეივანი სკოლის გარემოს სასიკეთოდ წაადგება, როგორც ესთეტიკურად ასევე ჰაერის სისუფთავის მხრივ. ამიტომ პირადად ვიღებ ვალდებულებას, ვიზრუნო და გადავარჩინო თითოეული ნერგი, არ დაუშვავ, რომ ეს ეზო კვლავ ტრამალად იქცეს, ამიერიდან ამ



მომავლის კლასი და სიახლეები პირველ სკოლაში

(პირველი გვერდიდან)

გადალახულ დაბრკოლებებზე, პედაგოგიურ კოლექტივში წარსულში არსებულ უთანხმოებებზე და სამომავლო გეგმებზე გაზეთ „შირაქთან“ ვრცლად ისაუბრა №1 საჯარო სკოლის დირექტორმა მანა ლაპინაშვილმა.

„მიმდინარეობს სახელმძღვანელოების გაცემა, სარემონტო სამუშაოები სწავლის დაწყებამდე 2 დღით ადრე დასრულდა, მის მონიტორინგსაც საქართველოს განათლების სამინისტრო ახორციელებდა. 83 სოციალურად დაუცველი ოჯახის მოსწავლე გვყავს, ამას დამატებითი სიებით 7 მოსწავლე, დაემატა. ამას გარდა, მრავალშვილიანი ოჯახის 52 მოსწავლე მიიღეს სახელმძღვანელოებს. სკოლასაც გააჩნია გარკვეული რეზერვი და ამის მეშვეობით დავეხმარებით ობოლ ან სხვა კატეგორიის ბავშვებს, ჯერ ამაზე ჩამოყალიბებულები არ ვართ. გასულ წლებთან შედარებით ამჯერად ცვლილებები შევიდა ეროვნულ სასწავლო გეგმაში. გაცილებით დიდი უპირატესობა ენიჭება საბუნებისმეტყველო საგნებს. ფაქტობრივად, პილოტირება მიმდინარეობს, ექსპერიმენტის შედეგად ინერგება საბუნებისმეტყველო საწავლების ახალი მოდელი. ბოლო წლებში ეროვნული გამოცდების შედეგებმა გვაჩვენა, რომ ქვეყნის მასშტაბით საბუნებისმეტყველო საგნების შედეგები ძალზე მოიკოჭლებდა. ჩვენც მზარი ავუბით ამ სიახლეს, გასულ წელსაც გავამახვი-

ლეთ ყურადღება ფიზიკის გაძლიერებაზე. წელსაც ზოგიერთ კლასში ფიზიკისა და ქიმიის სწავლებას გავაძლიერებთ და საათებს დავუმატებთ.

– სერტიფიცირებული პედაგოგების მხრივ რა ვითარება თქვენს სკოლაში?

– ამ ეტაპზე გვყავს 21 სერტიფიცირებული პედაგოგი, რაც ძალიან საამაყოა. მათ შორის ათას ლარიანი სამი მასწავლებელია. თითო საგანში პროფესიულ უნარებში გვყავს წარმატებული მასწავლებლები, თუმცა მათ ჯერ

დება და ბავშვების გადანაწილების პრობლემა დგება.

გასათვალისწინებელია ისიც, რომ შეუფერხებლად და დროულად მოხდეს ბავშვების დროული გადაადგილება ერთი კაბინეტიდან მეორეში. მანდატურის სამსახური ძალიან გვეხმარება, უნდა ვალიარო, რომ მანდატურის ინსტიტუტმა, თუმცა, ძალიან კარგი შედეგი მოგვცა. ჩვენ უდისციპლინობას არასოდეს ვუჩიოდით, მით გარკვეული პასუხისმგებლობა მოგვეხსნა და ეს ამ

„ჩვენი კომპეტენცია გამოცდებზე დავამტკიცეთ, ამ შედეგით თბილისის სკოლებიც ვერ დაიტრიალებენ“

სერთიფიკატი არ მიუღიათ. ისინი ემზადებიან ახალი ეტაპისთვის, რომელიც იანვარში გამოცხადდება და შუა წელში შესაძლოა კიდევ დაგვემატოს სერთიფიცირებული პედაგოგები. წელს ორი პირველი კლასი გვაქვს, გასულ წელს სამი კლასი იყო. აქედან გამომდინარე, ბუკებით აღჭურვილი სულ 5 კლასია, ამ კლასებში ე. წ. „ვაიფაის“ მოწყობილობა აუცილებელია, რათა დისტანციური გრაფიკი დაინერგოს. ორი კლასი პარალელურ რეჟიმში ისარგებლებს.

სულ მალე კაბინეტურ სისტემაზე გადავდივართ, წლის ბოლომდე კიდევ დავგეგმავთ, რა ტიპის კაბინეტის მოწყობა არის შესაძლებელი. ეს ძალიან საპასუხისმგებლო და რთული პროცესია. კაბინეტურ სისტემაზე გადასვლა ნიშნავს, რომ საკლასო ოთახები გვაკლ-

სამსახურმა გადაიბარა და ჩვენ მეტი დრო გვრჩება შემოქმედებითი პროცესისთვის.

– რამდენიმე ახალი კაბინეტი ამოქმედდა, რა სახსრებით მოეწყო ისინი?

– მომავლის კლასი, ანუ „ჯეოკლასი“ სამინისტრომ მოაწყო, ის საკმაოდ ძვირადღირებული პროექტია. დაახლოებით 30 ათას ლარამდე ღირებულების მხოლოდ ტექნიკა არის შემოტანილი, ერთი ამდენიც კეთილმოწყობის სამუშაოებს მოხმარდა. მთლიანად თანამედროვე ტექნოლოგიებით არის განწყობილი, როგორც მერხები, ციფრული დაფა და საუკეთესო კომპიუტერები.

– რა პრინციპით შეირჩა თქვენი სკოლა, რომ მომავლის კლასი მოწყობილიყო?

– საქართველოს 400 სკოლაში იგეგმება მომავლის კლასის შექმნა. დიდი სურვილი არსებობდა, ჩვენ მანამდე გვექონდა განაცხადი წარდგენილი და როგორც აქ ჩამოსულმა წარმომადგენლებმა თქვეს, ალბათ, აქტიურობის მიხედვით შეგვარჩიეს.

ინგლისური ენის კაბინეტი ამერიკელი მოხალისის ჯონათან ბრენდლის გრანტით მოეწყო. 2 000 ლარის ღირებულების პროექტი იყო, ამას დაამატა თავისი ხელფასიც. ამას გარდა, ჯეკის მასწავლებლებმა ნატალია ვარდიშვილმა, როგორც მისმა რუსულის მასწავლებელმა და ნინო ფიროსმანაშვილმა, როგორც ჯეკის ქართულის მასწავლებელმა მშვიდობის კორპუსიდან გადახდილი ხელფასი არ აიღეს და ამ საქმეს მოახმარეს. ანუ პედაგოგთა შემოწი-

რულობაც არის. . . ნაწილით სკოლის დირექცია დაეხმარა, დაახლოებით 1 000 ლარის ფარგლებში დავაფინანსეთ.

საზოგადოებრივ მეცნიერებათა კაბინეტი ჩვენს სკოლაში შექმნილი სამოქალაქო კლუბი „სპექტრის“ აქტიურობისთვის თელავის ცენტრმა მოგვინყო, როგორც კახეთის რეგიონში ერთ-ერთ აქტიურ სკოლას. საჩუქრად გადმოგვცა 300 ლარი, რასაც დავამატეთ ჩვენი რესურსი, მაგიდები. . . ჩვენმა მასწავლებლებმა მიიღეს მონაწილეობა ამ ოთახის კონსტრუქციულ სამუშაოებში. საკუთარი ხელით გაალამაზეს. ამას გარდა, ვიდუპროექტორი გვაჩუქა ჩვენმა წარმატებულმა კურსდამთავრებულმა ექიმმა გივი ნატროშვილმა. მიიღა მასაც დიდი მადლობა ვუთხრა, რადგან გასულ წელს 7 000 ლარის ღირებულების ტექნიკა შემოგვინარა, რაც ღონისძიებების მოწყობაში ძალიან გვეხმარება. ღმერთმა გვიმრავლოს ასეთი შემომწირველები.

– მოსწავლეების ცალკეულ ნომინაციებში დასახლება გასულ წლებშიც ხდებოდა?

– გვაქვს ასეთი ტრადიცია - „ანგარიში ხალხს“, სადაც მოსახლეობას მიმდინარე აქტივობების შესახებ ანგარიშს ვაბარებთ. გასულ წელს ერთდროულად პირველად ჩავატარეთ დაჯილდოვება და ანგარიშის წარდგენა. სხვადასხვა წარმატებებისთვის სხვადასხვა ნომინაციებში ვაცხადებთ და ვაჯილდოვებთ მოსწავლეებს. იმის გამო, რომ სწავლის დაწყების დღეს სკოლის ეზოში გაცილებით მეტი მაცურებელი შეიკრიბა, ზოგიერთი მათგანი ანგარიშის წარდგენაზე მოვლას ვერ შეძლებს, ამიტომ, ნომინაციები დროზე ადრე გამოცხადდა, მათი დაჯილდოვება კი ანგარიშის წარდგენის პარალელურად მოხდება.

– გასულ წლებთან შედარებით უამრავი სიახლეა თვალშისაცემი. . .

– ნინა წლებში ჩვენს გუნდში იყო გარკვეული დაბრკოლებები, რალაც უთანხმოებები, თუმცა საბედნიეროდ, ამჟამად პედაგოგიური კოლექტივი ერთსულლოვანია. ერთი სიტყვაც საკმარისია, რომ ნებისმიერმა პედაგოგმა იდეა აიტაცოს და ინიციატივა განახორციელოს. საშემსრულებლო დისციპლინა და პასუხისმგებლობა ყველას უმაღლეს დონეზე აქვს. ყველა ემსახურება საქმეს და ჩვენი კომპეტენცია ყველამ გამოცდებზე დავამტკიცეთ!. . . 21 სერტიფიცირებული პედაგოგი, მათ შორის სამი 1000 ლარიანი, ეს ცოტას არ ნიშნავს და ასეთი შედეგით თბილისის სკოლებიც ვერ დაიტრიალებენ. 200 ლარიანებიც ბევრი გვყავს, რომლებიც ჯერ ვერ მოხვდნენ, თუმცა მზადება გრძელდება.

ილია მარტყოფლიშვილი



პირველი დღე სამრეკლოს საჯარო სკოლაში

საზეიმო განწყობა იყო შექმნილი დიდიდანვე სამრეკლოს საჯარო სკოლაში, სასიამოვნო მუსიკის ფონზე სკოლის ეზო წელს ივსებოდა სწავლას მოწყურებული გოგო-ბიჭებით.

საზეიმო დილას გამართულ ღონისძიებას XII-ე კლასის მოსწავლე რუსუდან ყოჩიაშვილი უძღვებოდა. მას სოფლის მოძღვარი მამა გაბრიელი და სამრეკლოს მათორიტი დეპუტატი საკრებულოში ილია ტალიაშვილი ესწრებოდნენ. მოსწავლეებს, მშობლებს, მასწავლებლებს და სოფლის საზოგადოებას სწავლის დაწყება მიულოცა სკოლის დირექტორმა მანა ნასრაშვილმა. მან თავის გამოსვლაში ყურადღება გაამახვილა მასწავლებელთა პროფესიული ღონის ამალგებზე

და პედაგოგებს სასერტიფიკაციო გამოცდების წარმატებით ჩაბარება მიულოცა.

ნასრაშვილმა საზოგადოებას გააცნო სკოლის წარმატებული მოსწავლეები, რომლებმაც გასულ სასწავლო წელს სხვადასხვა კონკურსებზე თუ ღონისძიებებში თავი გამოიჩინეს. სკოლის დირექციამ 17 პირველკლასელს საზეიმო ვითარებაში გადასცა პრეზიდენტის საჩუქარი ნეტბუკები და სასკოლო ჩანთები.

მხატვრული ნომრით წარდგინნ სკოლის

მოსწავლეები თინათინ აჩელაშვილი, სალომე სიმონიძე, მაგდა გოგილაშვილი, ლანა ყოჩიაშვილი, ანა ჩითინაშვილი, თეონა შეითინიშვილი, მერი ბოსტოლანაშვილი, მარიამ ბოსტოლანაშ-

ვილი, ელენე სულაშვილი, ნიკა კვანჭილაშვილი, გურამ გოგილაშვილი, მარიამ კვანჭილაშვილი.

საზეიმო დილაზე სიტყვით გამოვიდა სკოლის თვითმ-

მართველობის წარმომადგენელი თამარ გოგილაშვილი, რომელმაც ისაუბრა იმ ჩატარებულ ღონისძიებებისა და აქტივობების შესახებ, რითაც გასული წელი გამოირჩეოდა. მანვე გამოავლინა ტრადიციული კონკურსის: „მასწავლებლები სხვადასხვა ნომინაციებში“ გამარჯვებულები. ღონისძიების დასასრულს, მამა გაბრიელმა იქ შეკრებილი მრევლი დალოცა და მოსწავლეებს ცოდნის დაუფლების დიდ გზაზე წარმატებები უსურვა.

შემდეგ კი ტრადიციულად შესრულდა ჰიმნი, რომლის ფონზე აღიმართა საქართველოს ხუთჯვრიანი დროშა და დაირეკა სწავლის დაწყების მუხუყბელი ზარი.



განახლებული სკოლა - ახალი უმეარტებით!

17 სექტემბერს, ისე როგორც მთელ საქართველოში, დედოფლისწყაროს სკოლებშიც ახალი სასწავლო წელი დაიწყო. ეს დღე ყველა სკოლამ ზეიმით აღნიშნა. გამორჩეული სიხარულით იზეიმეს ქ. დედოფლისწყაროს №2 საჯარო სკოლის მოსწავლეებმა, მასწავლებლებმა და მშობლებმა. მათი სიხარულის მიზეზი კი ის გახლდათ, რომ ამ ზაფხულს სკოლაში სარემონტო სამუშაოების მეორე ეტაპი დასრულდა, რაც სკოლის ესთეტიკურ გაჯანსაღებას გულისხმობდა.

პირველ ეტაპზე, გასულ წლებში, ქვირ და ფანჯრები გამოიცვალა, გაკეთდა გათბობის სისტემა, ახლა კი, ძველი ხის იატაკები შეიცვალა თანამედროვე ლამინირებული იატაკებით, გამოიცვალა კარები, შეიღესა და შეიღება შენობა შიგნიდანაც და გარედანაც, ერთი რამ, რაც თანხების უქონლობის გამო, ვერ მოხერხდა, ახალი ინვენტარის შექმნა. თუმცა, გამოწვევის არიან პირველკლასელები - მათ ახალი მერხები და ბუკები დახვდათ საჩუქრად. ეს ყველაფერი კი, ძირითადად, განათლების სამინისტროს მიერ გამოყოფილი 100 ათასი ლარით გაკეთდა.

მართალია, 5 საკლასო ოთახის და სპორტდარბაზის იატაკის გამოცვლა ამ თანხებში ვერ ჩაეგება, მაგრამ სკოლის ადმინისტრაციამ სასკოლო ხარჯებით მათი განახლება მოახერხა. ასევე განახლდა სკოლის მესერი და ჭიშკარი, რითაც ეზო სრულად იქნება დაცული. ეს კი საშუალებას მისცემს, კეთილმოაწყონ, გაამწვანონ და გაალამაზონ სკოლის ეზო. რთული რელიეფური მდებარეობა აქვს ამ სკოლას, ზამთარში, დიდთოვლობისას აღმართზე ასვლა უჭირთ ბავშვებსაც და უფროსებსაც, ამიტომ შესასვლელს მთელ სიგრძეზე ხელის მოსაკიდი საბჯენი მოაჯირი დაუმონტაჟდა, რაც მათი უსაფრთხოების გარანტი იქნება. ასე რომ, მეორეკლასელებმა ახალი სასწავლო წელი განახლებულ შენობაში დაიწყეს.

დილის 9 საათზე ეზოში თავმოყრილ ბავშვებს, მშობლებს და პედაგოგებს სკოლის დირექტორი ია ლაპიაშვილი მიესალმა, მიულოცა სასწავლო წლის დაწყება, განახლებული შენობა, მოუწოდა, გაუფრთხილდნენ მას და პატივი სცენ იმ შრომას და ამაგს, რაც განათლების სამინისტრომ, მშენებლებმა, სკოლის ადმინისტრაციამ, პედაგოგიურმა კოლექტივმა და თვით მოსწავლეებმა ჩადეს მასში. დირექტორმა მადლობის სიტყვები გადასცა იმ მოსწავლეებს, ვინც აქტიური მონაწილეობა მიიღო შენობისა თუ ეზოს დალაგება-დასუფთავებაში. ასევე შეაჯამა გასული სასწავლო წელი და სწავლისა თუ კლასგარეშე მუშაობაში მიღწეული წარმატებ-

ერთი ახალი ინფორმაცია მიანოდა: - მართალია, თითქმის ოთხი ათეული წლის წინ, როცა ეს სკოლა გაიხსნა, სასწავლო წელი 1 სექტემბერს იწყებოდა, მაგრამ, რადგან ახლა სასწავლო წელი 17 სექტემბერს დაიწყო, სკოლის ადმინისტრაციამ პედაგოგიურ კოლექტივთან ერთად გადაწყვიტა, რომ ყოველი წლის 17 სექტემბერს იყოს სკოლის დაბადების დღე. ამ დღის აღსანიშნავად სკოლას თავის სლოგანად ექნება დიდი სოკრატეს სიტყვები „ყველა ადამიანი არის მზე, მხოლოდ ანათებინეთ“, ხოლო მისი ლოგო იქნება „მისწვი მზეს!“ სკოლას აქვს თავისი ჰიმნი, რომელსაც ახლა ჩვენი სკოლის გოგონათა გუნდი შესრულებს - თქვა დირექტორმა და ასაპარეზო გოგონებს დაუთმო, რომლებმაც ჰიმნის ქართულ-უცხოური სიმღერების პოპური მოაყოლეს და მთელი ეზო ააცეკვეს. მეორე ზარიც დაირეკა და ყველამ ეზოდან შენობაში გადაინაცვლა, სადაც გაჩაჩხახებული დერეფნები და საკლასო ოთახები მხიარული ფერებით შეეგება. დერეფნებს, ფანჯრის რაფებსა თუ საკლასო ოთახებს ბიოლოგიის პედაგოგის გულნარა ლორაშვილის მიერ გამოზრდილ-ნალოლიავეები უამრავი ყვავილი ამშვენებდა, ასევე მოსწავლეების განკარ-

მელშიც კლასებს მათ მიერ არჩეული აქტივობების მიხედვით შეეძლოთ თავი გამოეჩინათ. აქტივობები კი ასეთი გახლდათ: 1. პოეზიის 5 წუთი; 2. იუმორისტული ნომრები; 3. მსოფლიოს საოცარი ფაქტები. მხიარულებამ დიდხანს გასტანა. შთაბეჭდილებას გვიზიარებს 10 კლასის მოსწავლე რუსუდან ჯორჯოშვილი: - გასულ


გვანიჭა. ვესაუბრებით სკოლის დირექტორს ია ლაპიაშვილს. - **ქალბატონო ია, როგორ დაამთავრეთ გასული სასწავლო წელი, რა წარმატებები გქონდათ, რამდენი კურსდამთავრებული გაუშვიტეთ და რამდენმა მოიპოვა სტუდენტის ტიტული?** - ჩვენი სკოლა დიდი არ არის. გასულ წელს სულ 229



წელს №1 საჯარო სკოლიდან მოსწავლე გვყავდა, ამიტომ კლასები გადატვირთული არ არის მოსწავლეებით, სწავლების ხარისხიც მაღალია. ძლიერი პედაგოგიური კოლექტივი გვყავს. წელს უკვე 10 სერთიფიცირებული მასწავლებელია, მათ შორის

ჯვანის სამშენებლო ბრიგადამ ომარ უტიაშვილის ხელმძღვანელობით. კარგად იმუშავეს, უმეარტელო არ ვართ. მაგრამ 5 საკლასო ოთახის და სპორტდარბაზის შეკეთება სკოლის სახსრებით მოგვიხდა. საბოლოო ჯამში, სკოლის ეს კორპუსი გარემონტებულია. მომავალში დაწყებითი სწავლების კორპუსსაც მივხედავთ, ალბათ. მთელი კოლექტივის სახელით მინდა, დიდი მადლობა ვუთხრა განათლების სამინისტროს ფინანსური უზრუნველყოფისათვის, ადგილობრივ ხელმძღვანელობას მხარდაჭერისათვის, რესურსცენტრის დირექტორის მოვალეობის შემსრულებელს ლევან ჯვანიაშვილს და შპს „სერვისი 2007“-ის ხელმძღვანელს ილია ტალიაშვილს, რომელიც უანგაროდ მოგვეხმარა სამშენებლო ნარჩენების გაწმენდა-დასაწმენდასა და სხვა სამუშაოების შესრულებაში. თავი არ დაზოგეს პედაგოგებმა, დამლაგებლებმა, მოსწავლეებმა, რისთვისაც დიდი მადლობა მათ.

- სასწავლო წლის პირველი დღე თქვენთან ასეთი გრანდიოზული არასოდეს ყოფილა, ვინ მოამზადა, ვისი იდეა იყო? - წელს ხელშეკრულებით სამუშაოდ მივიღეთ ჩვენი სკოლის 1989 წლის კურსდამთავრებული მაია კეტეციანი, რომელიც, თავის დროზე, საუკეთესო მოსწავლე იყო, აქამდე ცხოვრობდა და პედაგოგიურ მოღვაწეობას ეწეოდა თბილისში. ახლა ის ხანდაზმული დედის მოსავლელად დედოფლისწყაროში ოჯახთან ერთად დაბრუნდა. ორი საუკეთესო მოსწავლედ შეგვიჩინა და თავისი დედაქალაქური გამოცდილებაც გაგვიზიარა. ეს პროგრამა მისი მომზადებულია. ის ნიჭიერი და შემოქმედი ადამიანია. იმედი გვაქვს დღეიდან ჩვენი ლონისძიებები სულ სხვაგვარი იქნება და ტოლს არ დაგუდებთ არცერთ სკოლას. წინ სიახლეებით სავსე, რთული წელი გველოდება. ყველანი ერთად განახლებულ სკოლაში ახალი შემართებით ჩვენი მომავალი თაობის საკეთილდღეოდ.



გულებში იქნება თანამედროვე სტანდარტების კეთილმოწყობილი სასკოლო ბიბლიოთეკა და კომპიუტერული ცენტრი. ზეიმის კულიმინაცია გახლდათ ლურჯ,

ლამაზი და კეთილმოწყობილი რომ ვერ იყო, როგორც პირველი სკოლა. ახლა ძალიან გახარებული ვარ, დიპლომებიც მივიღე რამოდენიმე საგანში მიღწეული

ერთი ათასლარიანი ინგლისური ენის სპეციალისტი მარინა შანშიაშვილი ერთ-ერთი საუკეთესო რაიონში. სწორედ ამან განაპირობა, რომ ბევრმა ბავშვმა მოიპოვა დიპლომები და სიგელები სხვადასხვა საგანში გამართულ ოლიმპიადებსა თუ კონკურსებში. მეცხრე კლასის 8 მოსწავლემ პრეზიდენტის საჩუქარი კომპიუტერიც დაიმსახურა, მეათეკლასელი **სოფო მენტეშვილი** ორკვირიანი ინგლისური ენის შემსწავლელი საგზური მოიპოვა და ინგლისში იმყოფებოდა, სადაც მას „ქართული საოცრება“ უწოდეს.

- როგორ შეესება მიიღეთ? - პირველკლასელები ცოტა გვყავს, სულ თორმეტი. მარ-



ბებისათვის, სასწავლო კონფერენციებსა თუ ოლიმპიადებში მოპოვებული გამარჯვებისათვის მოსწავლეებს გადასცა შესაბამისი ჯილდოები, ხოლო პირველკლასელებს - ბუკები. ქალბატონმა იამ დამსრუტ კიდე

კამკამა ცაზე ფერადი ფრანგების გაშვება, რომელსაც სკოლის სლოგანი და მისამართი ეწერა. დღის მეორე ნახევარში გაიმართა დისკოთეკა, რომელიც წინასწარ დერეფანში გამოკრული პროგრამით წარმართა და რო-

წარმატებებისათვის, სკოლაც ძალიან ლამაზი და კომფორტულია, ვფიქრობ, ჩემთან ერთად ყველა ბავშვი ბედნიერია, მაგლობა ყველას, ვინც ჩვენზე იზრუნა და ეს სიამოვნება მო-

დაკომპლექტდა საუბრო საარჩევნო კომისიები

Table with 5 columns: №, უმჯობესი, სახელი, გვარი, თანამდებობა, დამნიშნავი სუბიექტი. Rows 1-13.

Table with 5 columns: №, უმჯობესი, სახელი, გვარი, თანამდებობა, დამნიშნავი სუბიექტი. Rows 1-13.

Table with 5 columns: №, უმჯობესი, სახელი, გვარი, თანამდებობა, დამნიშნავი სუბიექტი. Rows 1-13.

Table with 5 columns: №, უმჯობესი, სახელი, გვარი, თანამდებობა, დამნიშნავი სუბიექტი. Rows 1-13.

Table with 5 columns: №, უმჯობესი, სახელი, გვარი, თანამდებობა, დამნიშნავი სუბიექტი. Rows 1-13.

Table with 5 columns: №, უმჯობესი, სახელი, გვარი, თანამდებობა, დამნიშნავი სუბიექტი. Rows 1-13.

Table with 5 columns: №, უმჯობესი, სახელი, გვარი, თანამდებობა, დამნიშნავი სუბიექტი. Rows 1-13.

Table with 5 columns: №, უმჯობესი, სახელი, გვარი, თანამდებობა, დამნიშნავი სუბიექტი. Rows 1-13.

Table with 5 columns: №, უმჯობესი, სახელი, გვარი, თანამდებობა, დამნიშნავი სუბიექტი. Rows 1-13.

Table with 5 columns: №, უმჯობესი, სახელი, გვარი, თანამდებობა, დამნიშნავი სუბიექტი. Rows 1-13.

Table with 5 columns: №, უმჯობესი, სახელი, გვარი, თანამდებობა, დამნიშნავი სუბიექტი. Rows 1-13.


Table with 5 columns: №, უმჯობესი, სახელი, გვარი, თანამდებობა, დამნიშნავი სუბიექტი. Rows 1-13.

Table with 5 columns: №, უბნის №, სახელი, გვარი, თანამდებობა, დამნიშნავი სუბიექტი. Rows 1-13, 14-15, 16-17, 18-19.

Table with 5 columns: №, უბნის №, სახელი, გვარი, თანამდებობა, დამნიშნავი სუბიექტი. Rows 1-13, 14-15, 16-17, 18-19.

ს ს მ ვ ნ ა

ვლადიმერ (ვალეკო) კვანჭილაშვილი



უკვე სამი წელია, რაც გარდაიცვალე და მარადიულ სასუფეველში დაიდე ბინა. ტკივილამდე გვენატრები, პაპა! შენი სიკვდილი შემადრწუნებელი იყო ჩვენთვის, შენ ხომ გამორჩეული იყავი შენი ადამიანობით, ალალი, უანგარო, უბოროტო, იუმორით სავესე, რომე-

ლიც უზომო სითბოს და სიყვარულს აფრქვევდი. ისე იცხოვრე, რომ შენს ნაკვალევს მცირე ჩრდილი და ლაქა არ ამჩნევია. შენაირი ადამიანები სიკვდილის შემდეგაც ცოცხლობენ დიდხანს. შენ მარტო თვალსაწიერს გასციდი, მაგრამ მუდამ ჩვენს გულში იქნები. შენს მიერ გაცემული დიდი სიკეთე, სითბო და სიყვარული ცხოვრებაში ყოველთვის გაგვინათებს გზას შენს შვილიშვილებს. 20 სექტემბერს მოვალთ შენს საფლავთან და აგინებთ წმინდა სანთლებს. ასე იქნება მარად, სანამ ცოცხლები ვიქნებით. ღმერთმა ნათელში ამყოფოს შენი ალალი სული, ბებოსთან ერთად. იყავით მარადისობაში - იქ, სადაც მართალნი განისვენებენ. ვამაყობთ, რომ თქვენი შვილიშვილობა გვარგუნა ბედმა.

პაპ, მამა და თამარ ფირცხვანიშვილები.

Table with 5 columns: №, უბნის №, სახელი, გვარი, თანამდებობა, დამნიშნავი სუბიექტი. Rows 1-13.

საეკიო საზოგადოება მშვიდობა და შპს „მშვიდობა“-ის თანამშრომლები სამძიმარს უცხადებენ მათ ბაილშვილს მეუღლის ზურაბ გომილაშვილის გარდაცვალების გამო.

გაზეთ „შირაქის“ რედაქციის თანამშრომლები თანაგრძნობას უცხადებენ კლარა ოზაშვილს და გუგული ალადაშვილს დის თინა ალადაშვილის გარდაცვალების გამო.

ილია ჭავჭავაძის მნიგნობართა საზოგადოების წევრები: ვანო ნატროშვილი, ნანა ჭიჭინაძე, ლია ჩოქური სამძიმარს უცხადებენ რობიზონ იაკობიშვილს მეუღლის მზია იაკობიშვილის გარდაცვალების გამო.

მეზობლები: თენგიზ და თემურ ჯალიაშვილები, თამაზ ჯანიაშვილი, ნოდარ გოგლიძე, ნინა ყოჩიაშვილი, ილია სუხიაშვილი, ზინა გულისაშვილი, დალი ბუნტური, ვასიკო საბიაშვილი თანაგრძნობას უცხადებენ კლარა ოზაშვილს გუგული, ალიკა, ლალი ალადაშვილებს თინა ალადაშვილის გარდაცვალების გამო.

„მათი ცხოვრების მიზანი მეტი თავისუფლება“ ...

რამდენიმე კვირის წინ ჩვენი გაზეთი წერდა დედოფლისწყაროს №2 საჯარო სკოლის მოსწავლის სოფიო მენთეშაშვილის წარმატებების და მისი საზღვარგარეთ, კერძოდ კი, ინგლისში, ქალაქ ჰასტინგში გამგზავრების შესახებ. ორკვირიანი ვიზიტის შემდეგ, სოფიო ინგლისიდან დაბრუნდა და ამჯერად „შირაქს“ ბაქსუდის საზაფხულო სკოლაში მიღებულ შთაბეჭდილებებზე უყვება.

მსოფლიოში სამი ფილიალი აქვს, რომელთაგან ერთ-ერთი საქართველოშია, ეს გახლავთ წყნეთის საზაფხულო სკოლა, საიდანაც მე მოვეხვი ბაქსუდში. გვქონდა ინგლისურენოვანი გაკვეთილები, სადაც ძირითადი აქცენტი ენის შესწავლაზე იყო გაკეთებული. გაკვეთილების შემდეგ ყოველდღიურად ენობოდა ექსკურსიები. ვიყავი და დავათვალიერეთ ბრიტანეთის, მეცნიერების და მადამ ტიუს

არ არიან, მაგრამ ზოგადად, გლობალურ განათლებას უფრო ფლობდნენ, ვიდრე, რომელიმე ვინაო საკითხებით ყოფილიყვნენ დაინტერესებულნი. ისინი თანამედროვე ცხოვრებას აყოლილი ბავშვები არიან, სადაც ზეცაში დაფრინავენ, რაც ჩვენგან საკმაოდ განსხვავებულია. ჩვენ, ქართველები ძალიან თავმდაბლები ვიყავით და სერიოზულები. მათი მიზანი, როგორც მე დავინახე, თავისუფლებაა, მათთვის უმთავრესია გახდნენ კიდევ უფრო თავისუფლები, ისწავლონ და მიაღწიონ იმდენს, რომ შეიქმნან მაქსიმალური კომფორტი და დატკბნენ ამ ცხოვრებით.

ერთი ნიშანი, რაც გამოგვარჩევდა მათგან!

- რამდენადაც ვიცი სიგელუბით დაბრუნდი, რა სიგელუბია?

- ბოლო დღეებში ჩატარდა ასეთი ცერემონია, ოსკარებით დაჯილდოება, სადაც თითოეულ ბავშვს აჯილდოებდნენ, ნომინაციები თავად ლიდერებს ჰქონდათ მოფიქრებული, რომელსაც ბავშვებზე დაკვირვების შედეგად არჩევდნენ. მე შემდეგ ნომინაციებში დამაჯილდოვეს, პირველად „ქართველი საოცრება“ გავხდი, ხოლო მეორედ „ყველაზე წმინდად მაცხოვრებელი მოსწავლე“, ასე რომ, ორი სიგელი მერგო წილად.

- მაინტერესებს, რა პირობები იყო ბაქსუდის სკოლაში?

- ულამაზესი შენობა იყო, თავისი ცეკვის სტუდიით, ცხენოსნობის შემსწავლელი ნოტი, ხელოვნების სტუდიით და კინოფილმების საჩვენებელი დარბაზით. სკოლა ფლობდა დიდ ტერიტორიას, ისე რომ, შენობის გარეთ პატარა სოფელივით იყო, გარშემო ულამაზესი ბუნებით და კეთილმოწყობილი გარემოთი.

- თავად ინგლისზე და ინგლისელ ხალხზე როგორი წარმოდგენა შეგექმნა, შესაძლებლობა რომ მოგეცეს, ისწავლიდი თუ

ლაზია, სადაც ყველაფერი ერთ ფუნტად იყიდებოდა, ერთი ფუნტი ღირდა კარგი სენდვიჩიც და რაიმე სუვენირსაც ერთ ფუნტად იყიდდი. ამ მალაზიას ხშირად ვსტუმრობდით და მეგობრებისთვის ბევრი სუვენირიც შევიძინე. ქალაქს ეტყობოდა, რომ ძველი ტრადიციული კულტურაც არ დაუვიწყრებიათ და არც ახალს ჩამორჩებიან, ძველი ახალს ძალიან ფაქიზად და ესთეტიკურად ერწყმოდა. დიახაც, დიდი სიამოვნებით ვისწავლიდი ლონდონში!

- როგორ ფიქრობ დღევანდელი სასკოლო პროგრამა იძლევა იმის შესაძლებლობას, რომ ამ ცოდნით უმაღლესში ჩააბარო?

- გულწრფელად ვითხრათ, არაა საკმარისი და იცით რატომ? ძალიან გამარტივდა პროგრამა, როცა მერვე კლასში ბავშვი ქართულ ზღაპარს „ნაცარქექიას“ სწავლობს, რომელიც ნებისმიერმა ბავშვმა ოთხი წლის ასაკშიც კი იცის, რა თქმა უნდა არაა დამაკმაყოფილებელი სრულფასოვანი ცოდნის მისაღებად. თუ შენ შენი სახლში არ გადაშალე დამატებითი წიგნები და საკუთარ თავთან არ იმუშავე, სკოლის პროგრამაზე დაყრდნობით ეროვნულ გაზრდაზე დიდ შედეგებს ვერ მიაღწევ, იმედი მაქვს ახალი მინისტრი სკოლაში სწავლის დონის ამაღლებაზე იზრუნებს.

- სოფიო, მომავალ პროფესიად რა გაქვს განსაზღვრული?

- მიუხედავად იმისა, რომ ვიცი რთული პროფესიაა, მაინც უფრანლისტობა მინდა. მჯერა, დასახულ მიზანს მიაღწევ!

- ისიც ვიცი, რომ ჩამოსვლისას აქაურმა მეგობრებმა შეხვედრა მოგიწყეს.

- კი, როცა დაბრუნდი, ერთ ერთ სახლში მიმიპატიჟეს აქაურმა მეგობრებმა, თავიდან რამდენიმე შემეგება, ოთახში შესვლისას კი, ყველა მათგანი სამალავიდან გამოვიდა და... ძალიან ლამაზი სიურპრიზი იყო, ყველა მონატრებული მყავდა და რაღა თქმა უნდა, გამიხარდა. თითოეულს ინგლისიდან ჩამოტანილი პატარა საჩუქრები გადავეცი.

რამდენიმე ულოცავს სოფიოს წარამატებულ ვიზიტს და კვლავაც წინსვლას უსურვებს. გვჯერა, რომ სოფიო დასახულ მიზანს აუცილებლად მიაღწევს და მომავალში კლიერ პროფესიონალად მოგვეპოვინება.

ლალი მხსრიშვილი



- სოფიო, ინგლისის რომელ ქალაქში მდებარეობდა ბაქსუდის საზაფხულო სკოლა და როგორი იყო იქ გატარებული ორი კვირა, მოგვიყვი მთლიანად რა გარემოში მოხვდი?

- ეს გახლდათ საზაფხულო სკოლა, რომელიც მდებარეობდა ლონდონიდან ცოტა მოშორებით მდებარე ქალაქ ჰასტინგში, რომელიც ულამაზესი იყო თავისი გარემოთი და ბუნებით. ბაქსუდის ჩვეულებრივი საზაფხულო სკოლაა, სადაც მსოფლიოს ყველა კუთხიდან ჩამოსული ბავშვი ისვენებს, ასე იყო ჩემს შემთხვევაშიც. იქ მოხვედრილი სხვა ბავშვებისგან ჩვენი, ქართველი ბავშვების განსხვავება მხოლოდ ის იყო, რომ იმ ბავშვების მშობლები ამ სკოლაში მათი შვილის მოხვედრისთვის საკმაოდ დიდ თანხას იხდიდნენ, ხოლო ქართველი ბავშვების ამ ვიზიტს ჩვენი სახელმწიფო აფინანსებდა. ამ სკოლას

ცვილის მუზეუმები. სამჯერ ვიყავით ლონდონში, ვნახეთ ბიგბენი, წმინდა პავლეს კათედრალი, ჰაიდ პარკი, ოქსფორდ სტრიტი, ლონდონაზე და ბუკინგემის სასახლე. თვითონ ქალაქ ჰასტინგში გავდიოდით ზღვაზე. ენობოდა კინოების ჩვენება. მოკლედ ძალიან მომხიბვლელი ტური იყო. კმაყოფილი და ვბრუნდი.

- სოფიო, ამბობ, რომ მსოფლიოს ყველა კუთხიდან იყვნენ ჩამოსული ბავშვები, რით განსხვავდებიან ის ბავშვები ქართველი მოსწავლეებისგან, რა არის მათი სამომავლო მიზნები, არიან კი ისინი ისეთი ნაკითხები, როგორიც ჩვენი წარჩინებული მოსწავლეები?

- ძალიან განვითარებული და ზომავს მეტად თავისუფლები არიან, რაც მე ცოტა არ იყოს, არ მომეწონა. შესაძლოა ჩვენწინადად ნაკითხები

ურთიერთობა ნამდვილად არ გავგჭირვებია. ჩვენ ძალიან ბევრს ვესაუბრებოდი საქართველოზე, ჩვენს ტრადიციებზე, კულტურაზე, რომ ჩვენ ძალიან დიდი ისტორიის ვართ, ყურადღებით გვისმენდნენ, თუმცა არ ჰქონიათ სურვილი, რომ თავის ქვეყანაზე ესაუბრათ, რაც ნიშნავდა, რომ მათ ჩვენწინადად ნამდვილად არ უყვართ სამშობლო. აი კიდევ



არა ინგლისში?

-ქვეყანა ძალიან მომეწონა, დახვეწილი, კონსერვატიული ხალხია, ქუჩაში შემხვედრით თუ მალაზიამო მომსახურე პერსონალით ძალიან მოვიხიბლე, თავაზიანი და ადამიანების დიდად მოყვარული ხალხია, თუ გამოველაპარაკებოდით, რაიმეს ვკითხავდი, ან ფოტოს გადაღებას ვთხოვდი, სიამოვნებით გეტანხმებოდნენ, ასევე იყო მალაზიები. ყველაზე ძალიან მოგვეწონა მა-

ულოცავნი! წელი უოზიაშილ-ყოჩიაშილს!

ჩვენო საყვარელო დედა და ბებიავ, გილოცავთ მთავრობის მაღალ ჯილდოს - „ღირსების ორდენს“. გისურვებთ ჯანმრთელობას, უღვე ენერჯიას და წარმატებებს შენს საყვარელ საქმიანობაში. იყო ადამიანთა სულის მჭედელი, ადვილი არ არის. იმ სიყვარულს და პატივისცემას, რასაც შენი გამოზრდილებიდან ყოველდღიურად ღებულობ და, პრაქტიკულად შენი სულიერი საზრდა, მთავრობის მხრიდან დაფასებაც დაეერთო. ეს კი სიამაყით გვავესებს. გკოცნით და გეფერებით.

მეუღლე: ჯამალ ყოჩიაშვილი, შვილები: ნინო, ნანა, ელზა. სიძეები: გიორგი ოზაბეთელაშვილი, გიორგი ღვინიაშვილი. შვილიშვილები: ლარი და ნია ოზაბეთელაშვილი, ანუკი და ლიზიკო ღვინიაშვილი.

უპრადღება!

თუ გსურთ, ძალიან მოკლე დროში მოიხსნათ ტყვილი (სახსრების, რადიკულიტის, ნევრალგია, ტროფიული წყლულები, ტრომბოფლებიტი, დიაბეტური ანგიოპათიები, თავის ტვინის სისხლძარღვების შევიწროება, ფილტვების, შარდის ბუშტის, კუჭისა და თორმეტგოჯა ნაწლავის წყლულოვანი დაავადება და სხვადასხვა ორგანოების ანთებითი პროცესი) მედიკამენტების გარეშე ხელმისაწვდომ ფასში, მოზრდილით „სამედიცინო ცენტრის“ ლაზერის კაბინეტში. თქვენ მოგემსახურებათ ექიმი მარინა ძორიძე. მისამართი: ფიროსმანის ქ. №18

ვაჭირავე!

ვაჭირავეთ საქორნილო კაბებს. მსურველები დამიკავშირდით

☎ 5(93) 56 84 06; 7(90) 56 84 06

ამინდი დედოფლისწყარო

შაბათი 22. 09 დღე ღამე 23 ° 18 °	კვირა 23. 09 დღე ღამე 23 ° 16 °	ორშაბათი 24. 09 დღე ღამე 17 ° 14 °	სამშაბათი 25. 09 დღე ღამე 17 ° 14 °	ოთხშაბათი 26. 09 დღე ღამე 18 ° 16 °	ხუთშაბათი 27. 09 დღე ღამე 18 ° 15 °	პარასკევი 28. 09 დღე ღამე 19 ° 16 °
--	---	--	---	---	---	---

გამომცემელი შპს „შირაქი“
დირექტორი ინგა შიოლაშვილი
რედაქტორი ნაირა გორაშვილი-ყოჩიაშვილი
წერილი მოყვანილ ფაქტებსა და ციფრებს აასუსს აგებს ავტორო.

სარედაქციო კოლეგია: ლალი მხსრიშვილი, ილია მარტყოფლიშვილი (კორექსორი); მინაილ გვარამია (სტილისტ-მწიგნობარი); ნათელა შიოლაშვილი (ბუღალტერი); ნინო ჯანაშვილი (ფინანს-მწიგნობარი); მზია ძნაძე (დისტრიბუტორი); ზურაბ ბუნაშვილი (კომპიუტერული უზრუნველყოფა).
გაზეთი აიწყო და დაკაბდნენ „შირაქის“ კომპიუტერულ ბაზაზე. დაიბეჭდა შ. პ. ს. „საარის“ სტამბაში

რედაქციის მისამართი: ქ. დედოფლისწყარო, ფიროსმანის №18, ტელ. 0 356 22 55-49; 598 72-18-72 (დირექტორი) 599 25-17-44 (რედაქტორი)

რეგისტრირებულია დედოფლისწყაროს რაიონის სასამართლოს მიერ, №6014-468.